

台州府志卷一百零八

人物傳九 宦業三

明二

林璧	從兄弟昂	黃彥俊	陳鈍	鄭思
童守宏		盧欽	趙珂	蔡堅
許端宏	子端惠	高瑛	應志和	應欽
周一清		謝省	子紀等	弟廣平
李璵		陳旅	子寅	施宏
葉楨	任信	裴淑登	袁寧	葛貞
陶福		張瑄		婁守廉
陳攬	子寶	張成德		李釗
王弼	兄烜	揚澤	子一貞	沈立
吳珏	子鈴	范吉	三省一誠	金輅
	子坊		士偉士化	曾孫季科
	鈴子洽	李寅	張夔	王瑋
		金福		管藍
				曾孫爲國

台州府志卷一百零八

人物傳九

上海游民習勤所承印

王從鼎	柯昌	褚潭	從弟楷	姜鳳	兄弟麟才
陳綺	戴豪	郭經		吳嵩	孫楠
邵誠	許崇仁	吳世溥	徐廷試	張景元	父選
施槃	子勳	張鐔		蔣頤	父鑑
子景微	曾孫承助	蔡餘慶	子紹科	盧溶	子紹
子景賢	景賢子承贊	項亨名	明紹	戴乾	
王鏗	父公奉	周玉		趙崇賢	
葉法	任稜	蔡德器	子世佐	汪憲	
呂貴	陶膺				

明二

林璧字貴璧初名福沛號無逸黃巖人今隸太平祖耕民從潘從善遊元至正初爲浙東宣慰司照磨黃紹撰璧少穎異讀書再過輒成誦早孤從族父茂端儒奴及鄉先生戴友南學後又從檢討陳璵受毛詩兼肆力諸籍爲文浩瀚奔放璵歎曰有用器也因勸舉進士璧初篤爲己之學無仕進意至是始爲舉子業正統元年成進士少傅楊榮延至家課其諸孫除禮部精繕

司主事三年出使廣東不受有司饋會詔裁冗員免還家六年聘典江西試人服其公彭時羅
篋陳宜邱嵩皆其所取士也九年詔至京調祠祭司主事天下僧之受度牒禮部者祠祭司主
之每三歲一度受其賂者多致富璧兩度僧秋毫無所取爲尙書胡濙所重嘗署其攷曰學優
而正行端而廉秉直不阿允稱厥職見者以爲非溢美景泰二年擢南京攷功郎中黜陟一主
於公天順二年以疾乞歸年卒年七十一璧敦孝友慎交結介潔端莊學以不欺爲本嫉惡甚
嚴遇知己輒傾倒無町畦居官二十年家無餘貲喜吟詩多驚人語臨終歲猶爲絕句百餘首
應志和 著有一枝集北遊稿志宏治 子錫胙字克己亦從陳璘遊錫寵字克光三台詩錄 俱以學行
世其家行狀 璧從兄昂字居賓嘉慶志 與璧同領宣德四年鄉薦志宏治 任海州學正嘗以尙書授
生徒同里章陔徐彬鮑剛新昌余鐸章以占皆其弟子嘉慶志 學者尊之曰自怡先生台州外書 新昌
人祠之嘉慶志 從弟湛亦以經授徒從之者衆從子鶚同里謝省皆出其門以歲貢官華亭訓導
昂子鳳字克祥正統十一年舉人志宏治 官尤溪教諭嘉慶志 著有沈川稿三台詩錄
黃彥俊名愉陳循撰 以字行康熙志 號慎齋黃巖人嘉慶志 今隸太平志太平 尙斌子正統元年進士
奉使廣西賞資將士有才譽授職方主事兵部惟職方最煩劇重以清軍政與御史自四方送

台州府志

卷一百零八

人物傳九

二

上海游民習勤所承印

至者日千百人稱冤者衆而眞僞恆相半彥俊一一究得其情冤者得伸而詐者不得遂其私
會征麓川尙書鄺野薦選兵四川所簡數萬人皆驍勇卒賴成功所過名勝咸有記詠歸示所
知曰吾行川蜀私所得盡在是爲人外和內直喜濟急周貧於疾病死喪事赴之尤惓惓嘉慶志 給
事中徐易道卒爲治棺殮見其首屈親爲正之觸穢氣得疾將革歎曰修短有命恨無以報吾
親耳嘉慶志 蓋其時一官滿九載始得推恩及親故彥俊屢辭大臣薦擢竟以未滿期月卒嘉慶志
因以始憾嘉慶志 著有職方集嘉慶志 子孔昭自有傳
陳純字斯鈍號壽齋樂清籍嘉慶志 後隸太平正統元年進士志宏治 官行人歷使遠藩至朝鮮
世子親饋鈍不受再進鈍諭以詩有天使非關賄賂來之句進文選司郎中旋乞休平日以孝
聞著有全歸集志太平 恤刑錄府志 子輔成化十六年舉人安溪教諭志太平
鄭思字尙思黃巖人正統初歲貢縣志 爲邑東知縣志宏治 興禮教息爭訟志乾隆 未三年力乞致
仕志宏治 臺苑諸公以歸去來辭分題賦詩贈之志乾隆 因自號慕陶居士志宏治 與鄉人高瑛輩仿
洛社故事爲眞率會志乾隆 年八十九卒志宏治
童守宏天台人正統七年進士授行人志宏治 有才德勤公事出使琉球正德縣志 賜一品服萬曆縣志 持

節南還不辱君命康熙志 尋卒學士劉儼志其墓正德志

盧欽字守熙康熙志 黃巖人正統六年舉人宏治志 授郾城訓導會詔求直言慨然曰言路既開吾

得盡吾忠矣即上封事數千言其言選法不公剝民樂利二事忤中官及執政欲置之法以屈

於清議第遣武臣召詣闕下比至又懼其廷辯愈切遂以言事失實罷歸中道溺黃河卒康熙志

趙珂字廷器號慎軒黃巖人正統九年舉人明年舉會試乙科選華容教諭先是華容人罕嗜

學科第久乏黎淳撰 珂至新黌舍明教規選邑弟子俊秀者躬課之循循涵育士翕然奮興黎

淳劉大夏皆其所造就者也華人德之俎豆於學宮康熙志 薦陞博興知縣值歲饑父子相食朝

命都御史林聰振之珂摘周官荒政十二之切於民者行之半歲流徙者皆還俗喜誇詐人以

食郡縣排挾官吏登壘罔利爲榮民苦之珂擇其罷官而歸尤桀黠者一人使日侍聽事觀所

行初亦肆毀譽久之見政皆平直無隱事可持則私語其徒稍稍引退珂又擇其一子送入學

而教之其人卒爲善士秩滿歸居家五年卒墓誌 後大夏爲浙藩親祭其墓刻文于碑又題詩於

碑陰云時雨華容道清風博野亭懷師不可見墓草自清清淳亦爲傳贊以追頌之康熙志 祀鄉

賢祠乾隆縣志

台州府志卷一百零八

人物傳九

三

上海游民習勤所承印

蔡堅字廷白號茂菴康熙志 黃巖人正統九年舉人宏治志 授揚州同知廉潔剛介人不敢干以私

寶應湖堤崩決漕舟不通承檄督丁夫數萬修築措置有方事竣而民不擾丁內艱服闋改

南寧同知董梧州饒課秋毫不繇秩滿擢曲靖知府其俗獷悍堅懷以恩信翕然順化三載述

職京師行次鎮遠病卒著有缶鳴南行二稿康熙志

許端宏名恢以字行天台人博洽能文正統三年大旱作將稻吟聞於朝得減秋糧之半康熙志

六年舉於鄉宏治志 歷獲鹿遂溪新會教諭康熙志 善於其職士論稱之正德縣志 屢聘典應天廣西鄉

試修撰彭教學士張元楨皆出其門攝遂溪縣都指揮有求於富商弗遂誣以通寇端宏白其

冤釋之都御史韓雍出師端宏隨征命作露布倚馬而成同邑夏埧爲端宏高第時巡按兩廣

分俸資之不受著有記行詠道諸集羊城續編康熙志 弟端惠字處默康熙縣志 景泰四年舉人宏治志

授匡州學正攝本州篆多善政上安民十二事皆切實州民德之爲作永思亭瞻化樓陞國子

學正著有味道集端宏子塾字宗文弱冠補諸生與夏埧同學一時有瑜亮之目以諸生終著

有東粵游草康熙縣志

高瑛字廷璧康熙志 號簡庵又號退庵乾隆縣志 黃巖人听之子生而岐嶷侍父謫戍大同中山西鄉

試第四人

康熙志

登正統十三年進士

宏治志

除工部主事改南京刑部郎中先是繫者多斃瑛爲

整滌獄具囚無疾者凡權黠獄率移瑛聽之出爲四川按察副使兼巡四道遇事剖決如流鹽

井僻遠吏長肆虐有強悍都指揮尤不法怨家計奏無敢叱馭者垂十年瑛直抵其地卒置于

法南中稱快松茂黠賊劉崇虎叛居鞏利瑛率兵滅之資彩帛蜀王襲位徧謁羣神欲先大慈

寺瑛抗言曰殿下崇儒重道宜先文廟王悅而從之擢本司按察使

康熙志

有康泰者被誣殺人

久繫獄瑛廉知其寔竟得釋

乾隆縣志

以母老乞歸卒於家大學士商輅亟稱之著有退庵稿

康熙志

子遠有文行以恩授儒官

乾隆縣志

應志和名律以字行號復庵黃巖人今隸太平

謝錫撰墓碣

家故多貲從伯父尙武貧無子志和以

貲歸其兄而身爲伯父後伯父卒事伯母如所生篤志學問

葉良佩先生傳

從族父宗祥學又登葉

黼門永嘉黃淮一見定爲忘年交遠近交辟南畿提學孫鼎薦爲鹽城訓導以母老不行正統

中太守周旭鑑復以郡學薦始迎母就職丁內艱服闋改蘭陽陞鄆陽教諭蘭陽人爲立生祠

在鄆陽尤篤意風教表周瑜陶侃墓祀江萬里彭如勵

葉啓導諸生以德行爲本名實傳

乞

休歸自號宜休居士攷德問業者門無虛席卒年八十四

墓碣

志和博學能詩著有復庵稿

宏治志

台州府志卷一百零八

人物傳九

四

上海游民習勤所承印

赤城叢錄

台州外書

應氏雜錄祀太平鄉賢祠季子紀

紀字茂修

葉傳

成化十六年舉人

宏治志

授六合教諭以歲俸爲祿養諸生贊饋一無所受復捐己

貲以贍貧乏士民俱尊信之舉攝縣事半載有能聲聘爲福建同攷官所取皆知名士父喪服

闋改黟縣清修如六合未幾謝病歸自號繼休居士家益貧講授自給

葉傳

會通判袁文紀來掌

縣事袁六合人素重志和乃盡蠲其族人之徭役俾以直給焉紀不受令以建宗祠

康熙志

著

有玉山慚稿紀伯兄紹字賓月仲兄維字訥齋叔兄經字味淡皆隱居爲鄉塾師又皆高年紀

事之極恭歲時幅巾杖履遨遊山谷間龐眉皓首人咸誇爲盛事云

葉傳

應欽字志欽

康熙志

黃巖人諤之子舉景泰二年鄉試明年成進士

宏治志

官監察御史屢疏言政

務皆切於時出任江西按察僉事理屯田清戎籍百廢具舉終廣東按察副使自號四留有四

留遺稿

黃巖志

弟廣平字志道

康熙府志

景泰元年舉人

宏治志

成化中爲徐州學正端慤不苟善立教

規

徐州府志

終大名教授

康熙志

周一清字廉夫

康熙府志

臨海人景泰五年進士

宏治志

以劾權貴有聲出爲縣令

任慶遠知府政尙嚴明人莫敢欺時猺賊甚熾一清募壯士民兵協官軍撫捕之賊漸卻當道

聞其才敏兼管慶遠衛事修建關堡串樓及餘備倉以征藤峽功陞正三品秩仍兼管慶遠軍事後以憂去民甚思之江西通志載遂不起自號退庵生夏赤城集

謝省字世修黃巖人今隸太平孝子溫良曾孫景泰五年進士授南京車駕主事車駕領馬快船及大僕孳牧馬以千百計為姦利所萃省祿俸外不私一錢李東陽撰轉武選員外郎嘗市一

蒼頭久乃知為百戶張某子亟還之仍為優給俾得襲祖父職成化五年遷寶慶知府首與神誓悉推堂食錢為公用大書真德秀四事十害為僚屬戒條民隱十四事請於上次第罷行之

春秋行郊野給民牛種郡儲稅可支五年革弊政斥淫祠選郡縣學弟子之秀者教之府鄉村教之社學皆得食於公謝鐸撰暇則課業講文詣社學正句讀行賞罰康熙志又撮取朱子家禮

并作十勿詩俾民誦習之其怙終不率者則裁以法嘗黜縣令二人籍其贓以代民賦由是境內肅然相戒不敢犯舊俗信陰陽佛法不以時昏葬者至是皆遵禮畏法嘉志三年政舉教行時

推循良第一湖廣志會岷府奏欲徙建官殿檄有司議省執不可府中人行數百金令有力者來聞省不為動葉良佩七先生傳已而巡撫都御史力主其議康熙志省乃乞為教官連乞養疾俱不許既

三年政績至中途上疏徑歸當道交章薦竟不赴年僅五十有四嘉表或問其故則曰士方好進

台州府志 卷一百零八

人物傳九

五

上海游民習勤所承印

吾當勇退以風之

業傳

寶慶民相與立去思碑於學宮既歸囊橐蕭然田園邸舍一無所增惟孜孜於祠墓

與從兄世衍築會總庵作敦彝十二會以合族立鄉約開義學以教鄉之子弟

嘉志

時復逍遙杖履與一二布衣登高賦詩翛然有出塵想省早歲以詩鳴晚年學益博而尤深於

禮居常儼然每旦必深衣幅巾以謁祖考暇則與弟子講學以孝弟為本有過必痛責乃已至有終身不敢見者初號愚得晚號台南逸老卒年七十四私諡貞肅著有行禮或問嘉志祭禮儀

注謝鐸書祭後

杜詩注解逸老堂諸稿

嘉志

從祀太平鄉賢祠

康熙志

季子鄴有詩名

嘉慶志

孫邦薦

嘉志

邦薦字可聞萬曆四十七年進士授上饒知縣縣多水利鄉之搢紳惑堪輿家言阻開浚邦薦

毅然行之以此獲罪時魏忠賢勢方張或諷其稍屈意可大伸邦薦不為動左遷溫州教授後忠賢敗連及饒之諸紳起邦薦刑部主事赴任未踰月卒康熙志

陳旅字正初號敬齋臨海人璫之子

謝鐸撰

以明經舉為江西新淦訓導廉公有聲有鄉賢死節為人所諱者旅首題其名於碑以示勸修治學宮規益縣政上下交頌其賢擢翰林院孔目

改國子監學錄操履一如在新淦時遷監丞首黜解字遺財力清宿弊監規肅然改南京監丞署堂印出羨餘以修廟學輸粟生及外國遣子入學者例皆厚贍旅一無所取顧於寮友生徒

署堂印出羨餘以修廟學輸粟生及外國遣子入學者例皆厚贍旅一無所取顧於寮友生徒

之孤貧患難者則傾囊周給之無吝色秩滿卽乞休諸生請於朝願再留不待報歸十年乃卒
年八十一兩浙名賢錄祀鄉賢祠康熙縣志子寅

寅字永慎號介軒夏鑠撰表好學篤行當道嘗奏薦駙馬寅抗志不從爲諸生時齋詔鑲城聞建
方正學祠傾囊以贈宏治間以明經授吳縣訓導後改建昌康熙縣志其俗喪葬拘日忌寅取朱子
家禮圖式以教一變惡俗著有介軒集嘉慶表祀鄉賢康熙縣志

施宏字宏本黃巖人少從僉事陳璘遊景泰時歲貢生康熙縣志成化間爲羅源知縣公勤仁恕在
任八年訟清盜息福建通志名宦傳興學校均田賦士民德之康熙縣志累官鳳陽通判卒於家宏治縣志同縣

葛貞字存誠亦景泰中歲貢官新喻知縣有惠政民生祠焉康熙縣志累官四川嘉定知州卒於家
宏治志

李璣字崇信嘉定志黃巖人宏治志今隸太平太平志天順元年進士宏治志歷官安樂知州南京刑
部員外郎中太平志成化十四年出知肇慶府璣學問該博胸次豁達常督儒生講學躬行賦畝

勞民勸耕士民樂業申免太監進取異禽民甚稱快以剛介獲謗去行李蕭然士論惜之廣東通志
宣統錄引黃志

台州府志

卷一百零八

人物傳九

六

上海游民習勤所承印

王崇字尙德臨海人少穎敏受詩於教諭章唐受春秋於同知趙岳天順八年成進士授刑部
主事丁父憂服闋改武選司主事嘗草五事將上疾作方臥病時畿輔以少雪爲憂有狂道士
欲以妖術致雪羣臣莫敢諫崇勃然曰是侮天也夫言之不從是或不義厥咎僧厥罰恆陽返
之之道在乎張主威疏女寵斥宦寺去侈汰遠姦奸使羣陰剝而一陽復然後沛然號令於天
下以收人心以還和氣如是雨雪不時未之有也乃力疾草疏數千言將叩鑾而甘心焉以困
憊不能成章但見寤寐中隱隱自語細聽之皆疏中語也遂卒年四十二彭龍撰墓志

裘淑登號介庵康熙縣志天台人天順六年舉人宏治志性清介好古善文官鄞縣知縣興水利立義
學乞休歸民肖像祀之龐洋范吉皆其門人同縣袁寧號幸齋康熙縣志與淑登同年舉於鄉宏治志

歷河內閩縣教諭延平袁州教授興學造士所至多教績聘典雲南貴州南畿鄉試所得俱知
名士著有幸齋集

婁守廉名能以字行號率庵天台人以歲貢授安岳訓導性朴厚貧能悅於親在安岳以善教
名旣歸逍遙十餘年卒年八十餘夏埴志其墓祠鄉賢祠正德縣志

葉楨字廷幹臨海人天順中歲貢官鄱陽訓導康熙縣志歷邵武訓導學地久廢土豪盜而有之楨

請諸郡縣轉咨憲臣豪乃以地來歸羅一遷興寧訓導才美行高學政大舉又有遷學之功三

載卒於官惠州府志同縣任信字純美天順間歲貢官瑞昌教諭生徒德之祀於學著有覆瓿集又

有楊播字孟芳亦天順間歲貢歷建寧南陽訓導淄川洧川教諭性剛介所至有聲著有桂月

軒集臨海志

李庸字崇恩黃巖人今隸太平嘉慶志天順七年貢太學授潛江縣丞修先聖廟增置學舍濱

江多水災隄防俱廢庸悉心經畫以次復三十六堤之舊近邑治者曰花封堤施工尤鉅庸力

任之在任六載頌聲藉甚侍郎黎淳稱其爲治吏畏民懷以勞卒於官大學士邱濬表其墓台州志

外著有鳴蛙集三台詩錄

張瑄字宗溫臨海人從同里陳璣葉恩學以歲貢授新鄭訓導日進諸生語以許衡授受所自

尋署縣事適征襄陽兵傳其境瑄腆犒豫防民用不擾有仇人誣柴剛殺人獄成抵死瑄獨白

其冤剛攜婦子詣謝進百金爲壽瑄曰若何知我哉斥去之諸樂集

李釗字勉之康熙志臨海人成化二年進士宏治志以監察御史巡按福建有聲建陽縣學舊在交

溪之清釗以屢漲議擇縣治之西棲隱寺故址改建之台州外書尋巡按江西重修南昌府學椒邱文集

台州府志

卷一百零八

人物傳九

七

上海游民習勤所承印

終貴州按察副使康熙志

陶福字天祿武定府志一字文臻康熙志臨海人成化四年舉人宏治志知利津縣興學校舉廢墜

勸農桑築堤防愛民育士剛果有爲比去士民思之武定府志

陳勉字希勉黃巖人少銳志力學以孝友聞康熙志成化四年舉於鄉宏治志授廣信府學訓導善

爲諸生辨質疑難廣信府志砥礪名節振作士風諸生家貧者捐俸助之康熙志以贊見者一介不取

廣信府志擢桐城知縣每食蔬素秋毫不以煩民爲政斤斤撫循民戴之如父母去後追思康熙志有

陳勉再來天有眼之謠光緒縣志宏治間任肇慶同知益清介自礪庖無粱肉或以爲矯勿恤也陞

太平知府廣東通志致仕歸家無餘積足迹不入公庭鄉里仰之因其宦肇慶不持一硯似

包拯故稱雙硯居士康熙志嘗營室廬謝鐸聞而訝曰希勉亦有是耶已而見其規制樸陋且以

茅代陶瓦乃歎曰吾幾失人矣有詩文集從祀鄉賢祠乾隆縣志

張成德名淡號遜志又號北野以字行仙居人康熙志成化六年貢生除南充知縣民好訟萬曆縣志

有同懷昆弟相訐勿休成德詰之曰若等願舉子乎曰然願多舉乎曰然曰若父之願猶是也

余按若等所爲多一子即多一仇怨復何願耶二人慙然愧悔後竟以友于聞康熙志嘗創諭俗

亭作戒三篇月朔令父老申諭第其善敗而勸懲之風俗爲之一變又創五經書院延名宿爲師捐俸資其費春秋久失傳親爲講解士皆悅服稱爲張夫子應聘爲雲南考官山賊猖蹶設計蕩平之移饒州通判父老遮道泣送者萬計尸而祝之謝病歸家居十年卒著有史略數言遜志存稿萬歷縣志

沈立字卓然臨海人景泰間歲貢縣志成化間以國子監生知松溪調閩縣舊福建通志立治松溪

剛正足以矯邪明斷足以懾奸浦城山寇聚集寇首既投餘黨尙逋當道廉立才移署之立自

載行糧絲毫不取於下松浦二邑交頌之居官自奉至薄旦夕惟糜粥二子隨侍歲或命一還

鄉與童僕同行不敢騎乘來縣亡何致仕歸福建通志士人思慕爲立碑舊福建通志同縣金輅字

仲載成化初官桂陽知縣寬嚴得宜存心愛物以疾卒於官祀名宦湖南通志同縣金輅字

陳攬字約之寧海人成化時由太學生官鄱陽丞正德初桃源寇熾攬在戎行分營駐劄密邇

賊穴選驍卒夜斫其營而焚之賊大翊平後陞知萬年縣招徠撫卹流亡復集饒州府志同縣

于寶成化六年由太學生知登封縣廉能果斷吏民畏服河南府志授兵部主事擢武選司郎中時

范綱字太和正德縣志天台人侍郎理子也成化八年成進士安徽通志授兵部主事擢武選司郎中時

台州府志卷一百零八

人物傳九

八

上海游民習勤所承印

武臣皆結中貴陵次銓選細抗顏執法羣奸側目陰誣以事出知濟州剔奸去弊奏減解部軍糧七千石民甚德之事無不舉巡撫王恕奏治行第一秩滿赴京卒濱人思之奉其主於龔遂

祠中康熙縣志弟昌齡

昌齡成化十三年舉人宏治志授應天府通判陞廣德知州遷撫州同知定徭役慎防禦革積弊

解組歸民爲立去思碑昌齡性至孝母病革痰壅昌齡以口吸出之歷官二十六年家無餘積

康熙縣志昌齡子恂字允卿正德九年進士爲吏科給事中遇事彈劾無所畏避遷湖廣按察司僉

事未拜而卒正德縣志

楊澤字商霖正德縣志號兌齋萬歷縣志天台人成化八年進士宏治志授南京刑部主事擢員外郎巡撫

王恕以年老乞休帝重留之命選廉明一人分理僉舉澤陞福建屯田僉事先是建寧等八府

納屯糧運沿海倉民苦覆折之患澤折衷估價兌銀定爲常例奉聞命下軍民德之尋陞本司

副使閩省所建勅祠歲遣中官進香靡費澤奏宣尼至聖也闕里祠祀猶守土之臣主之他又

何煩特使乎朝議卽罷萬歷志拓修學宮與諸生講究如師友卽舊般若庵設朱文公主祀其中

取所手墨刻列四壁福建通志澤自幼聰慧爲人孝友外和內厲歷司邦憲民無冤獄擢河南

按察使未拜而卒祀鄉賢祠及福建名宦祠萬歷志子一貞一誠一奇

一貞字吉夫正德縣志號靜齋性好友學務躬踐平居無疾聲厲色弱冠輒以賢哲自待由歲貢除

通城訓導弟子貧不能婚葬者悉助使成禮擢榮府伴讀見重於王贈詩有賢過江都相學擅

草元宗之句進承德郎著有壁經要義萬歷縣志

一誠字立夫宏治十七年舉人授雲南巨津知州正德縣志先是滇播土官卒二子以爭襲構兵數

年一誠至以賄屬斥之請於朝以江北江南爲界兩分其地爭遂息丁內艱服除康熙補四川

順慶同知尋陞工部員外郎萬歷縣志以忤尚書意遂乞歸康熙縣志一誠敏練吏事所至有聲萬歷志

一奇字瑞夫號雲溪性孝友髫髻能文由歲貢授安化訓導表明經學分俸給貧陞通道教諭

致仕家居邑令周振雅重之贈詩有道續蘇湖百世師之句祀安化名宦祠萬歷縣志

一貞孫季字魯卿萬歷縣志年十二喪母哭泣如成人長嗜學以歲貢授蕭山訓導陞保昌教授捐

俸修學宮以忤當道乞歸著有西陵庾南赤城等集康熙縣志吉水鄒元標表其墓康熙縣志季子三省

字曾甫萬歷縣志號紫凝以選貢入北監試第一授江西安義知縣總兵劉挺僕殺人當道置不問

三省詣執之鞠得其狀立置之法值歲稔煮粥療飢告糴散種寬積逋籍糧額政聲大著陞茂

台州府志卷一百零八

人物傳九

九

上海游民習勤所承印

州知州軍民雜處且苦於西番三省徵調得宜親自犒番諭以溫語番人皆懽呼踴躍去以剛直忤上官遷潞藩長史引疾歸康熙縣志

一誠孫科字君聘萬歷縣志淹貫子史由歲貢授永安訓導譚經講學問奇者無虛日著有葩經闡

義康熙縣志科子士偉字瞻甫萬歷縣志以貢入太學康熙縣志舉萬歷十六年順天鄉試萬歷縣志授遂安教諭

聘典廣西鄉試多得士陞電白知縣轉饒州通判斷獄如流立法平允告歸構一經亭以課子

祀鄉賢祠康熙縣志

士化字龍甫亦一誠曾孫萬歷縣志萬歷二十九年由選貢授永安知縣正納糧法馬革去重耗自

雇長夫不役一民捐俸修學宮勤於課士民失火士化望民拜禱火遂熄禱雨又立應建四門

樓櫓及紫金山樓額以雄鎮城西關外民常病涉士化建橋以通道民稱爲楊公橋雍正廣東通志名宦

王弼字存敬黃巖人和州判桓之子周瑛表登成化十一年進士宏治志知溧水嘉有巨猾席勢

武斷於鄉弼募獲論死人皆快之康熙縣志中官視馬故有賂弼勿與續台縣志有湖湖中有平壤弼

召民圩之得數萬畝民大享其利入爲刑部主事嘉慶表轉員外兩浙名賢錄戚畹王氏私籍保定民田

奉命往按弼上議以田歸民宏治三年表出守興化以八條約教民康熙志郡人劉閔以孝聞親

詣其廬續台每祭廟祭社必延致齋居曰此人在坐私意自消置田二十餘畝贍之明史隱逸

行飲射禮登降拜跪盡日無倦容恐徒卒爲暴立三限就理法後期則答賦稅均徭自以品式

處分吏惟受成命苞苴盡絕續台禁婚喪逾禮及競渡妄費宿弊爲清名賢錄福州所隸水口驛

疲於供億參謀程某建議割興化之稅以益之弼曰役遠民貧以貧民就遠役不數歲逃者過

半矣乃疏利病請於朝罷之漳寇起藩鎮徵丁壯於莆脅以軍機弼曰莆爲郡南接惠安西距

永春德化皆寇所自入丁壯去郡誰與守郡失萬民死軍機失一身死吾知所以處死矣乃止

既而將者以民先驅澗水爲赤莆之民皆謂弼生之也十年春以俸滿去郡明年秋還迎者歡

呼塞途尋病民皆詣壇籲天以請縉紳躬湯藥及卒哭奠無虛日請留衣冠葬之表弼形短不

及中人而神觀英爽以古君子自期爲詩清硬崛奇獨露風骨名賢錄自號南郭詩集序著有

南郭集八卷續台從祀鄉賢祠康熙志子坊字崇賢號寧山宏治十八年進士授新淦知縣民

以災傷通賦部使督責甚嚴坊力爲調息逆瑾索例金不與得罪謫江浦教諭尋落職瑾誅起

知霍山俗號難治坊至則禮耆德緩追捕省馬役興學校康熙志編定賦役品格胥吏不得爲奸

台州府志

卷一百零八

十

上海游民習勤所承印

江南通志陞南京都察院經歷霍民建祠肖像祀之轉尙寶司丞以疾請告卒於家坊天性孝友執

喪循禮處昆弟五人白首無違言爲人謙和恭謹著有寧山集從祀鄉賢祠及霍山名宦祠康熙志

弼兄烜周表字存美慷慨好義人以困苦必周之死而無歸者爲之斂潘展撰有隱操集林俊

雅重之乾隆縣志稱其才識與弼等惜不用於世潘烜子堂字崇治號石齋有至性恤族好施嘉靖

二十四年歲大祲首倡助振當道義之將表其廬謝不受晚年構靈峯書院於縣西官奧讀書

其間詩文務理篆著有願貞軒稿堂子鈴萬恭撰字子才號九難嘉靖二十六年進士授宜興

知縣縣巨賦煩腴田多淹沒鈴汰冗費闢荒穡緩徵科民咸賴之以峭直忤當道調知將樂至

則揭五事自盟行如其言康熙志節費不擾一民福建通志尤孳孳教化建鄉校修龜山書院丁

外艱服闋補成安節用愛民興學造士治如將樂三爲縣令囊橐蕭然取家錢以自給將樂成

安民皆肖像生祠之薦陞南京工部主事督蘆州稅羨金數千悉歸公帑歷郎中陞山東按察

僉事引疾歸以詩文自娛鈴子治字近之隆慶九年舉人授池州司理池爲留都右輔得關察

旁郡治性情清肅聽獄多所昭雪賢聲特著按巡使者密帖以鄰郡賢否委注治不承命曰名

利非敢要也寧於出位之懲遂引疾告致臺省勉留之不可歸囊不支郡守捐金贈之行康熙志

弼從弟爌自有傳

范吉字以貞天台人理從孫

正德縣志

成化十一年進士

宏治縣志

授刑部主事

正德縣志

逆璫汪直微時犯

罪吉執法不阿後以恨調吉鳳陽通判

康熙縣志

嘗捐俸振荒活人萬數三院交薦擢寧國知府九

年致仕

萬曆縣志

宏治十六年以三邊多故作預防邊患說及車法陣圖獻於朝詔遣入三邊總制

秦紘幕馳至靈寶疾作告歸

康熙縣志

去郡二十餘年民思之不忘爲立去思碑修撰唐皋爲之記

吉博羣書工古文尤精草書

萬曆縣志

著有柏軒集

康熙縣志

王瑋字良玉

康熙縣志

臨海人父臣正統三年舉人官常州教授瑋登成化十一年進士

宏治縣志

歷知

吉水全椒有能聲擢監察御史終廣信知府政尙簡易去而人稱其遺愛居家禮讓嘗著家範

康熙縣志

以訓子孫鄉人重之祀鄉賢祠

康熙縣志

吳珏字孟璋號夔門

康熙縣志

臨海人成化十一年進士

宏治縣志

授績溪知縣巡撫王恕稱其持己無

一毫之玷量田有萬世之功尋擢監察御史以言事爲權閹所忌左遷梁山知縣調巴縣遷成

都丞奏罷王府水碾解壩州之圍薦知夔州夔久乏甲科珏振興之人才始盛丁外艱歸服闋

補贛州知府平流寇終尋甸軍民府著有收民心鑑勸學表忠圖說夔門怡泉諸集

康熙縣志

台州府志

卷一百零八

人物傳九

十一

上海游民習勤所承印

金福黃巖人成化十四年進士

國子監題名碑

宏治中知東昌府寬厚簡重爲政持大體吏民畏服尤

以廉靜稱

明一統志

官至湖廣左參政

湖廣通志

李寅字守一黃巖人當應貢時以次生年老讓之尋中成化十年鄉試第二任進賢教諭博學

方正諸生敬憚上官有待以非禮者幡然求解任諸生詣臺省懇請勉留半載而歸

康熙縣志進賢名宦

同縣牟嵩字尙高號延秀成化六年歲貢生御史劉薦授濮州訓導陞單縣教諭振起士風

單縣有小江西之稱

三台詩錄

著有延秀存稿又有張夔字舜臣

乾隆縣志

成化十九年舉人

宏治縣志

授望江教諭終金溪知縣其在望江善訓迪葺學宮既去諸生思之祀名宦祠

乾隆縣志

管藍字茂玉號養虛

乾隆縣志

黃巖人成化十三年舉人

宏治縣志

明年會試落乙榜選吉安訓導服闋

改上海調泰州秩滿擢吉安推官訟有十餘年不理者藍至不兩月而結獄中懽呼不避豪強

一裁以法有富室誣仇家以盜屬當路鍛鍊成獄藍出其賊視之則刺繡枕頂耳仇者指爲伊

妻所製非贓乃密拘其妻別製較之皆無二遂抵富人誣良罪遠近稱快寧王就封建昌親姬

部從數萬人道吉安省臣檄供廩餼宴饌不周王怒令盡縛所屬官吏辦供者椎殺之藍時署

郡卽囚服入見大聲本州供應無狀罪當死與官屬吏民無與王令械繫付撫臣卽日具狀令

致仕事乃寢官吏賴全活甚衆藍生平尚行檢惜名節士大夫以古人目之年六十一卒有閉

門歸來二稿祀鄉賢祠曾孫爲國乾隆縣志爲國字欽憲管氏號勤箴六歲喪父爲節母陳所撫萬

歷十二年舉鄉試乾隆縣志四十一年徐州府志爲蕭縣知縣俗故囂縣爲國孚以忠信節冗費禁舞文

無倦色建羅星臺祀文宿刻幼學寶訓頒童蒙四門各立社學社師復其家各給官湖地二頃

爲脩脯資歷三載卒於官士民爲立私祠徐州府志祀鄉賢祠乾隆縣志

王從鼎字朝器別字秋海黃巖人成化十三年舉人授濟南同知地爲南北要衝且多王府號

難治從鼎下車未幾政化大治革德州水次廠宿弊兩豁章邱縣白雲鄉稅全活者七百餘家

興學校造浮梁辨疑獄節夫役其績甚著巡按御史王一言巡撫何鑑交章推薦璽書褒美進

階奉政大夫宏治十四年會大同墩堡圯邊汎告急特擢山西按察僉事從鼎陳邊備便宜以

營繕土堡編集村邸爲禦敵計明年訖工賜白金綵幣又明年轉四川僉事興革利弊政聲尤

著引疾歸正德元年卒年五十六從鼎所至以教養爲本施槃撰墓表歷任有聲嘗作詩示收科者

有千里轉輸千里恨一分寬減一分恩纖毫亦是民膏血憔悴終傷國本根之句風雅遺聞著有秋

台州府志卷一百零八

人物傳九

十一

上海游民習勤所承印

海雲中錦城等集子晉組化州吏目

墓表

柯昌字廷言號確庵黃巖人通經篤學

康熙志

成化十三年舉於鄉

宏治志

宏治九年任陽江知縣

操履清約決獄明允砥礪風俗敦明典禮嘗表張太傅世傑祠墓陳獻章作詩賀之

廣東通志官續錄引

浙江通志獻章嘗謂其生而民愛戴之死而民俎豆之甘泉湛若水輩咸嘖嘖以循良稱之

康熙志昌

爲人樸訥無華坐事黜去後甚見思今祀名宦祠廣東通志著有確庵稿康熙志孫珪縣學生有文行

乾隆縣志

褚潭字溶之

正德縣志

天台人成化十四年進士

宏治志

授松溪知縣歷進賢通城

正德縣志

其在通城區

處稅契贖緩買穀萬餘石以備振修學舍刊五經廣激勵之條存心正大民咸服之凡七載致

仕歸

武昌府志

從弟楷字文範登拔萃科任湖廣通山知縣有訟於庭者必先戒以孝弟力田而後

折其曲直每朔望親集邑中諸生課以文藝以鼓舞人才

天台志

姜鳳字廷儀號素庵天台人父某剛健峭直嘗曰吾老不及用然至樂莫若讀書至勤莫若教

子故四子皆令習進士業鳳自少穎慧年十歲隸文學弟子籍與弟麟從兄獻自相師友文藝

蔚然一時稱盛成化十三年舉於鄉授舒城教諭清身教士提學婁御史徧檄南直隸學官以

勸每遇大比藩聘沓至嘗主四川山東湖廣試稱得人陞歸化知縣還流民數千減陪米六百石蝗蟲爲災鳳齋沐徒跌禱於羣祀曰召災在某罰止某身不以及民明日黑風暴雨蝗死水面郡守爲記以表之陞徽州通判夏鑣撰築魚梁壩康熙志丁內外艱服除補臨江地多盜前主法及平民鳳至申理出之遷潼州知州會西賊起嘉定等州調軍十餘萬糧仗一取於潼鳳應之裕如諭民死守正德六年卒於京邸年六十四嘉志鳳歷任三十餘載宦橐蕭然康熙志著有素庵庭訓嘉志麟字廷楨以歲貢爲開建訓導卒於官正德志獻字廷琛夏鑣嘗稱其文行同門不敢加從遊者甚衆同縣盧濬臨海朱練皆其弟子鳳幼弟多亦有文名與夏鑣交夏鑣表鳳孫楠字器之姜氏譜號明巖由國子監生任馬龍州同潔己愛民著有政聲擢兵馬指揮以修邊牆功出爲需益知州其地苗民雜處楠減浮糧講倫理俗皆化之致仕歸民爲立祠卒年九十餘尙書潘晟爲志其墓康熙縣志

陳綺字于章號得閒太平人宋提刑仁玉之後嘉慶縣志成化十四年進士宏治志授中書舍人擢工部員外郎抽分蕪湖循舊額於己無所入尙書王恕謂其行事通敏持身以名檢爲重陞清吏司郎中奉命視通州濟寧河道時河決張秋遣內監李興平江伯陳銳副都史劉大夏前往修

台州府志

卷一百零八

人物傳九

十三

上海游民習勤所承印

治興察知綺能欲與山東參政張縉並薦之綺恥出內監力辭不得以誠告大夏始得已天台龐泮自京寓書曰李內官薦章至深懼執事在列今不在衆論雖之後出爲四川松潘糧儲參議松潘在萬山中番苗雜處號難治綺廉明有威遠近懾服倉中有五年儲巡撫鍾薦其才可大任爲同事者所忌鍾去綺亦罷歸蕭然一室惟以書史自適謝鐸深敬禮之嘉慶縣志

戴豪字師文太平人謝鐸撰父通字允儒康熙縣志成化二十二年舉人宏治志官安州知州敦行不

怠人稱長者康熙縣志工於詩著有秋蟲稿石屏集附錄豪幼穎悟嘉志先父九年領鄉薦次年成進士宏治志

房攷官李東陽奇其才及廷對尙書尹旻欲置上第閣臣萬安以爲冗長難奏讀置二甲第

三授武庫主事遷職方郎中二司皆勢利所在居者恆慙溺豪獨盡讀天下書公退雖甚疲不釋卷家人以日用不足告輒麾去曰其稱貸之無亂吾志衆務糾紛不動聲色而判決如流嘉志爲尙書馬文升所倚重諸司奏牘悉屬詳勘同官皆服其精敏康熙府志尋陞廣東右參政卒於官

嘉志豪少以文字見知於謝鐸又出李東陽門得其指授益於詩文極意研究思到古人三台詩錄傳

卒年僅三十六著有贅言錄嘉志祀鄉賢祠叔父鏞字允大康熙志成化二十二年舉人宏治志授六

安學正敦尙節義進汪立信於鄉賢祠表俞節婦墓尋以御史薦陞南京國子助教遷監丞諸

生有過失必繩以法至有患難困乏則傾資助之康熙志深爲祭酒章懋所重嘉慶志當道交章論

薦擬遷提學僉事會病卒康熙志從弟頤特頤字師觀康熙志號敬齋少穎異謝鐸見其文曰喬松

著根幹先擎空此異日棟梁器也嘉慶志正德五年舉鄉試第一成進士選庶吉士拜吏科給事

中劾光祿卿馮蘭不職章再上蘭竟降謫武宗議南巡百官伏闕諫且哭大理少卿吳當喝令

毋哭頤上章劾之由是直聲著聞在朝咸憚之未幾卒於官著有倦歌集筠谿雜稿康熙志特字

師唐宏治十一年舉人授鶴慶推官調武昌府致仕性惻怛無華喜吟詠著有萃同集康熙志太

郭絳字仲端康熙志臨海人成化十七年進士宏治志授績溪知縣興革悉出古意訟無留獄有郡

豪以錢貸民取倍息少有負輒賂郡吏置之獄絳白巡撫置諸法外艱起補宜春惡少殺其妾

以誣仇家更數令不能直絳折之頓服擢南京監察御史論內守備怙勢去之請選正人以輔

青宮孝宗嘉納謝病歸再起原官上清戒五事及鑄錢法出守順德興革利弊清操凜然謁鄉

賢祠見張禹范質從祀亟撤去續台志教諸生務實學親爲講解建府學尊經閣泮橋櫺星門又

修邢臺文廟去尼巫崇正祀屬邑有山水淹沒民田絳躬相築堤患遂息順慶府志郡當孔道民苦

供億絳大爲減裁六年乞休民詣闕請留擢山東右參政掌管安慶府事見供帳過侈悉還於

台州府志卷一百零八

人物傳九

十四

上海游民習勤所承印

民其清約至僮僕不能堪有逸去者長史陳垣爲之歌曰郊外兒童迎屋裏兒童走廉愛自有

真古今郭太守續台志有指揮獲罪已論死絳察其冤奏脫之後去郡其人瞋以金絳力卻乃投

金於江感歎去鳴志致仕家居絕迹塵市年七十三卒續台志祀鄉賢祠康熙志及順慶名宦祠順慶志

府志子橈正德六年進士刑部郎中康熙志

吳昂字元白別字一恆黃巖人成化十七年進士除靈壁知縣逐妖僧馭奸盜有女子與嫂同

宿而嫂私奔恐女見泄以計殺之棄屍水中昂卒得其姦滿九年轉松江通判擢寧國同知職

司清戎例以軍多爲最昂痛其時買軍起解之弊曰甯使不及數而殿不可以虛數害人也鄰

境有不明之獄必求昂辦理多所全活以微疾乞歸家居二十年足跡不入公府正德十二年

卒年八十二子四應節翁源主簿王啓撰

邵誠字元侃康熙志太平人成化十七年進士宏治志擢南京吏科給事中彈劾無所避宏治初上

疏言三事一曰省聖躬二曰明黜陟三曰廣言路詞甚愷切已而遷光祿少卿在職勤勵張元

禎嘗稱其趨端操潔不愧其官云康熙志

許崇仁字一元正德志天台人成化十六年舉人宏治志署河南寶豐教諭聘典應天廣東陝西鄉

試陞清流知縣政教兼施適潮有屬邑程鄉崇山巨壑羣盜嘯聚特設通判一員以才望推崇仁至則簡士卒嚴號令民賴以安江閩寇熾三省出師會剿崇仁躬環甲冑深入險阻寇次第授首以冒險得疾致政歸民肖像祀之康熙志

吳世溥字宏濟湖南通志別字古心正德天天台人成化十六年舉人宏治善草書康熙志宏治初

官黔陽知縣愛民如子招撫流移墾田蠲稅振饑民築城社修橋梁繕學宮少暇則親勸諭士

民翕然向化湖南通志名宦傳隆吉安通判正德清介多政績康熙志民爲立去思碑正德并祀黔陽名

宦祠湖南通志同縣徐廷試字宜舉與世溥同舉於鄉正德廷試弱冠善屬文時天台同舉者八人

廷試居首康熙志授河源知縣亦陞吉安通判正德所至有善政康熙志

張景元字宏仁天台人正德父讓字存惠號靜菴正統六年舉人授宜城訓導張景元先陞永

年教諭訓諸生嘗仿蘇湖規條以身先之三典文衡稱得士康熙志大學士呂原薦擢御史未赴

官卒正德著有忠義集永年日鈔康熙志景元舉成化十六年鄉試宏治授常熟教諭正德疊膺

聘典湖南直隸山東鄉試九載擢知桂陽州徙建儒學有巨寇李聰等爲州劇害歷任不能治

景元至密得殺之宏治九年苗賊攻破鄰州城守將擒獲餘黨并誣平人刺面環耳兵備副使

台州府志

卷一百零八

人物傳九

十五

上海游民習勤所承印

命景元讞之景元稽其面刺耳竅深淺由是得活者三十九人十一年大饑亟出所儲穀三萬

餘石振之滿攷陞雷州同知築徐聞海康二屬縣圩岸千丈民得奠居正德四年朝使以查盤

爲名厚素有司景元念民貧不忍科徵忤中貴遂自免歸十五年卒年七十二王華撰子選字

勉之號靜峯隨父桂陽州任因寄籍常寧補諸生與修湖廣通志王獻麟撰

施槃字彥器號新齋康熙志黃巖人成化二十年進士宏治授刑部主事歷員外郎中讞獄南畿

江西多所平反擢河間知府地多戚畹槃一裁以法不少假借攷績進山東按察副使備兵天

津時劉瑾擅權卽乞身歸瑾中以事罰米一千石輸寧府河間民聞之相率哀金爲助謝卻之

槃性坦易清約鄉薦時有司循故事給棹楔辭不受成進士亦然康熙志官刑部時奉命決獄江

南抵休寧邵官署宿黃倫學舍出遊山水登齊雲巖冒雨過陽山寺看程學士家梅花前後賦

詩二十餘篇才鉅致豪絕不知有案牘勞時人以仙吏目之三台詩居林下日惟賦詩飲酒興

趣悠然康熙志尤善書爲世所珍台士登著有新齋稿康熙志子劉字定之嘉靖中由選貢授武平

知縣有平山寇功卒於官勲幼穎異爲詩文對客揮毫詞采蔚然又精真草書著有楷頤集北

遊稿靈感錄諸書康熙志次悲次憲皆諸生有詩名乾隆從子悌字宜之性儻倜接人有禮縣志

嘗從王守仁遊

夏繼先覺教言書後

由例貢官鴻臚寺序班著有鶴洞稿

縣志先覺教言城集

張鎮宇定國

康熙志

臨海人成化二十年進士

宏治志

歷刑部員外讞決明允擢湖廣僉事征苗有

功陞政通司參議以忤劉瑾奪職瑾敗陞福建布政使在閩數年興利除弊僚案肅服聲望最

著

康熙志

張鐔字仕器號訥齋臨海人幼穎慧鄉先達王塘器之妻以女璿令全椒遂以全椒籍入南雍

舉成化十六年應天鄉試二十年成進士授巴陵知縣

台縣志

修石隄千餘丈以遏洞庭水勢

大興學校建書院決獄平恕在楚三年頌聲徧境內

家傳

歷擢順慶同知丁內艱服闋補袁州同

知

台縣志

築蜀山南旺二湖新壩以濟漕渠

家傳

內遷禮部祠祭司員外郎轉郎中武宗登極擢太

常寺少卿以父喪歸遂不起優遊林下者十餘年

台縣志

卒年七十二鐔居官最久冰蘖自持一

身之外無長物僦屋自居所遺薄田半頃果園數畝而已

家傳

台人言廉吏者必推張太常王世

貞挽以詩著有樵溪集二十卷容臺雜記二卷子晉字西屏號汾川能詩

台縣志

蔣暉字思誠號介石臨海人父鏞有學行人稱鈍庵先生以舉人署南靖教諭得士心暉幼承

父訓淹博經史

康熙志

成化二十三年成進士

宏治志

觀政禮部王竑卒奉命往治葬事竣竑家暨

台州府志

卷一百零八

人物傳九

十六

上海游民習動所承印

有司厚餽之卻不受

應良介

授南京刑部主事諳熟律例遇事輒迎解無滯丁母憂起陞本部

員外轉湖廣按察僉事分巡武昌風紀振肅時苗寇發鄉民不逞者往往嘯聚山谷暉區畫招

徠賴以寧謐吉府儀賓殺人冀以賂免暉立抵以法不少貸

康熙志

雪冤獄劉保池綱等二三百

人去官吏貪婪者風紀大振長沙衛指揮張清強索軍人魯時財囚死其父蘄州衛指揮王欽

以市緣毛龜入貢爲名科取部下銀二百兩

應良介

暉廉實均置之法二指揮重賄鎮守太監張

忤爲請暉不爲徇并笞其投刺者忤大怒

康熙志

密具揭帖白逆閹劉瑾誣暉以私意故入人重

罪忤故出瑾門者也瑾以付當道承風旨正德元年考察據揭帖罷暉官

應良介

暉具疏辨廷臣

多直之忤俟其歸摘任內積案移參罰米二百石行浙江臬司追取暉家固貧有司爲代輸瑾

憾猶不釋喉浙臺伺其舉動暉入石塘方山力耕自資幾十年僅得免會瑾敗朝延理暉前疏

晉階三級致仕家居五十年清約自持有司不得見其面居止數椽會大火焚民房官署殆盡

獨踰與范節婦居無恙時有上留蔣清官下留范節婦之謠嘉靖三十一年卒年九十五著有

達意錄祀鄉賢祠

康熙志

子濂字希周嘉靖間選貢官國子學錄博學多才

康熙志

著有兩山集孫

景徽名彥以字行諸生著有樂飢草

台縣志

暉從子賓字希觀少有才名嘉靖二十三年進士官

兵部郎中賓子景賢字岱岳博學負文名王士性嚴事之以歲貢終子承贊由明經歷恩平知縣築城撫民以勞卒於官康熙縣志 嗣曾孫承勛承勛字繼之號蕙齋年十歲能習漢書客戲之曰子知漢高所以帝乎對曰韓以戰張以謀蕭以餉客大奇之萬歷四年舉于鄉上春官屢中副車授南涇教諭歷新城署廣昌知縣有治績二十五年陞東流知縣首除供具以甦里甲清驛遞侵牟之弊革兩造先納紙錢陋規尤精獄獄浮梁黃士鳳與樂平何天俸並客於東歸而鳳稟饒俸覬之中途刃鳳挈其篋而逃承勛聞報密移饒州遣役於娃館獲之械至定獄羣稱快郡豪汪一滄習符呪立能死人利兄貲斃四命而奪其產有遺腹孫寄他姓獲全冤久未雪赴承勛懇承勛戒勿泄集丁壯託他行倏至滄家備得符呪狀按實坐大辟悉還其貲事具東流遺愛碑兩臺交章薦陞黃州同知黃帆艘鱗集狙獠出沒下車清軍役盤獲巨盜一境肅然荆府宗藩驕縱凌民巨璫李忠奉旨謁陵虐用民夫悉折以理不爲屈治績爲三楚冠轉蜀藩長史致政歸卒年六十六著有麟經心印吳楚讞存覆缶集子典學字德修幼慧日能誦積寸書稍長篤志理學父病待湯藥衣不解帶居喪三年不入私室康熙志 蔡餘慶字從善號瘦石黃巖人教諭敦之子康熙志 成化二十三年進士宏治志 授中書舍人爲學

台州府志

卷一百零八

人物傳九

十七

上海游民習勤所承印

士李東陽所重欲引直內閣輒辭謝陞南京刑部郎中宜興江陰多勳臣田小見被侵奏牘累下餘慶執法不阿民賴以直陞汀州知府廉慎自持捐資養士恤民疾苦考績陞福建鹽運使益厲清操秋毫無所私惟積圖書數篋當道交章薦有獨不廉於儲書之語陞山東參政未幾以忤中貴歸逍遙林下踰三十年足迹不至公門知縣劉贊重之欲以寺地廣其居餘慶曰毋爲子孫累也謝不受性孝友淳樸至老好學不倦或枕上有所得亟起然火書之著有瘦石亭稿燭光錄康熙志 甕牖詩談石窗叢記石翁家藏稿續台志 子紹科紹先紹科字宏哲號龜庄弱冠舉正德二年鄉試授海州知州始至值旱蝗殫心荒政巡撫席書奇之檄行旁郡爲式陞寶慶同知興利釐弊數決疑獄尋轉福建鹽運同知冰槩自勵秋毫不緇商人戴若父母擢知大理府首禁輕生之俗多所全活減絲役冗費數千金有土官欲有所請夜懷金數百伺于途杖而遣之因榜于庭曰公庭三尺法暮夜四知心人傳誦焉居官三十年節用愛民執法不阿竟以是不悅于貴勢坐罷歸紹科天性剛直康熙縣志 嚴於疾惡乾隆縣志 中則坦然官至二千石服食器用如寒士不喜劇戲不惑佛老星命堪輿之術嗜文籍至老不釋卷樂善憐才有林謝諸先輩風

康熙志

卒年九十

乾隆縣志

著有九蘭俚稿感時贅錄宦程紀略從祀大理名宦祠

康熙志

紹先字宏業